

MISSÆ
PROPRIÆ
PATRONORUM
ET
FESTORUM
REGNI POLONIÆ
ET SUECIÆ.

AD NORMAM
MISSALIS ROMANI

ACCOMMODATÆ.
ACCEDUNT
MISSÆ QUÆDAM NOVISSIMÆ.

CUM LICENTIA ORDINARII.

EX DUCALICAMPIDONENSI TYPOGRAPHEO
PER ALOYSIUM GALLER, 203824

ANNO DOMINI MDCCLXXXIV. 203.824

INDEX

PATRONORUM ET FESTORUM

REGNI POLONIÆ ET SUECIÆ.

FESTA DECEMBRIS.

Die 4. Barbaræ V. & Mart.
5. S. Petri Chryfologi Ep. Conf.
10. Translatio Almæ Domus Laurentanæ.
18. Expectatio Partus B. V. M.

FESTA JANUARIJ.

Die 19. S. Henrici Episc. & Mart.
21. S. Agnetis V. M.
23. Desponsatio B. V. M. comm. S. Emerentianæ.
23. S. Joannis Eleemosynarii Episc. Conf.
24. Translatio S. Erii Regis & M. Dominica II. post Epiph. Festum SS. Nominis Jesu.

FESTA FEBRUARIJ.

Die 1. S. Brigidæ V.
4. S. Ansgarii Ep. & Conf. P. R. S.
6. S. Dorotheæ V. M.
9. S. Apolloniæ V. M. Patronæ R. Polon.
10. S. Scholasticæ V.
25. S. Sigfridi Episc. & Conf.

FESTA MARTIJ.

Die 1. S. Albini Conf. Pont.
2. S. Helenæ Vid.
4. S. Casimiri Conf.
5. Translatio S. Wenceslai M.
10. SS. Cyrilli & Methodii Conf. Pont.
17. S. Gertrudis V.
18. S. Gabrielis Arch. Angeli.
23. S. Catharinæ Vastanenfis V.

FESTA APRILIS.

Die 23. S. Adalberti Ep. M.
24. S. Georgii M.
Dominica II. vel III. post Pascha, SS. Sepulchri D. N. J. C.
Dominica II. vel III. post Pascha, Festum Patrocinii S. Josephi.

FESTA MAJJI.

Die 2. S. Sigismundi Regis M.
4. S. Floriani M.
8. S. Stanislai M.
13. S. Servatii Ep. M.
16. S. Joannis Nepomuceni M.
18. S. Erii Regis & Mart.

FESTA JUNIJ.

Sacratissimi Cordis Jesu, Feria VI. post Octav. Corporis Christi.
Die 3. S. Erasmi Mart.
16. S. Bennonis Ep. Conf.
19. S. Bonifacii Ep. M.
21. S. Aloysii Gonzagæ, Conf.
22. S. Æschili Episc. & Mart.
27. S. Ladislai Regis Hung. Conf.
Dominica I. post Octavam SS. Petri & Pauli Festum SS. Patronorum Regni Sueciæ.

FESTA JULIJ.

Die 7. S. Pulcheriæ V.
9. SS. Martyrum Gorcomiensium.
13. S. Margaritæ V. Mart.
15. Divisio SS. Apostolorum.
Comm. S. Davidis Abbatis.
Die 16. SS. Eremitarum Andreæ & Benedicti Martyrum.
18. S. Simonis de Lipnica.
19. S. Joannis de Dukla.
20. S. Ceslai Conf.
Dominica proxima post 24. Julii S. Cunegundæ Virg.
26. S. Christinæ V. M.
28. S. Bodvidi Martyris.
29. S. Olavi Regis & Martyris.
31. S. Helenæ Vid. & Mart.

FESTA AUGUSTI.

Die 2. Commemoratio S. Catharinæ Vastanenfis V.
16. S. Rochi Conf.
Dominica proxima post Festum Assumption. B. V. M. S. Hyacinthi C.

18. S. Joachim Genitoris B. M. V. Prot. R. P. & M. D. L.
Dominica post Octavam Assumptionis. B. V. M. Translatio S. Casimiri C.
Die 29. S. Sabinæ M.
30. SS. Felicis & Adaudi.

FESTA SEPTEMBRIS.

Dominica I. Septembris Festum Reliquiarum Dicec. Varm. & Samb.
Die 1. B. Ladislai de Gielniow P. R. P. Dominica post Festum S. Matthæi Festum Reliquiarum Ecclesiæ Upsalensis.
Die 26. S. Josphat Ep. M.
27. Transl. S. Stanislai Ep. M.
28. S. Wenceslai M.

FESTA OCTOBRIS.

Die 6. Translatio S. Æschili.
7. S. Birgittæ Vi. uæ.
10. Festum Gratiarum actionis pro Victoria ex Turcis obtenta.
10. SS. Gereonis & Soc. MM.
15. S. Hedwigis Viduæ.
16. S. Brunonis Episc. M. Apostoli Pruff.
20. Translatio S. Adalberti Episc. Mart.
21. S. Ursulæ & Soc. VV. MM. cum commem. S. Hilarionis Abb.
23. S. Joannis a Capistrano Conf.

FESTA NOVEMBRIS.

Dominica I. post 13. Nov. S. Stanislai Kostkæ C. P. R. P.
Dominica II. Novembris Festum Patrocinii B. V. M.
Die 12. SS. Quinque Fratrum Polonorum MM.
15. S. Gertrudis Virg. Abbatissæ.
17. S. Salomeæ V. Reginæ Haliciæ.
19. S. Elisabeth Viduæ.

MISSÆ.

FESTA DECEMBRIS.

Die iv. Decembris.

In Festo S. Barbaræ Virginis & Martyris. duplex.

Missæ. Loquebar. de comm. virg. mart. alicubi.

Oratio.

Intercessio quæsumus Domine B. Barbaræ Virginis & Martyris tuæ ab omni nos adversitate protegat, ut per ejus interventum, gloriosissimum Sacro-sancti Corporis & Sanguinis Domini nostri Jesu Christi Sacramentum ante diem exitus nostri, per veram pœnitentiam, & puram confessionem percepisse mereamur. Qui tecum vivit & regnat &c.

Die y. Decembris.

S. Petri Chryfologi Episc. Conf. & Doct. dupl. Missæ. In medio.

Oratio.

Deus, qui beatum Petrum Chryfologum, Doctorem egregium, divinitus præmonstratum, ad regendam & instituendam Ecclesiam tuam eligi voluisti: præsta, quæsumus; ut, quem Doctorem vitæ habuimus in terris, Intercessorem habere mereamur in cœlis. Per Dominum nostrum &c.

Die x. Decembris.

Translatio Almæ Domus Lauretanæ Missæ ut in fine Missalis.

Die xviii. Decembris.

Expectatio Partus B. V. M. Missæ ut in fine Missalis.

FESTA JANUARIJ.

Die xix. Januarii.

S. Henrici Episc. & Martyris dupl.

Missæ ex Communi unius Martyris. Sacerdotes Dei.

Oratio.

Omnipotens sempiternæ Deus, qui beato Henrico Martyri tuo atque Pontifici, glorioso triumpho martyrii largitus es palmam: ejus, quæsumus, meritis, & precibus gratiam nobis largiaris & gloriam. Per Dominum nostrum &c.

Die xxiii. Januarii.

Desponsatio B. Virginis Mariæ. dupl. majus. Missæ ut in fine Missalis. cum comemor. S. Emerentianæ.

Die xxiii. Januarii.

S. Joannis Eleemosynarii Episc. Conf. dupl. In Dicecesi Plocensi.

Missæ ex Communi Confessoris Pontificis. Statuit.

Oratio.

Deus, qui beatum Joannem Eleemosynarium Confessorem Pontificem tuum, sanctarum Eleemosynarum erogatorem constituisti, donisque temporalibus cumulatum, ad pauperum tuorum consolationem, deficere nunquam permisisti, concede propitius; ut cujus merita hodierna die recolimus, ejus imitatione præsentium futurorumque bonorum dona, te adjuvante consequi mereamur. Per Dominum.

Die xxiv. Januarii.

Translatio S. Erii Regis & Martyris. duplex.

Missæ. In virtute tua. de Comm. Mart. non Pont. in Orat. Præstalo natalitiaponitur: translationem. Evangelium ex Missæ Sacerdotes Dei. Si quis vult post me venire.

Do:



MISSÆ

Dominica ii. post Epiphaniam.
Festum SS. Nominis Jesu. Missa ut in proprio Missalis.

FESTA FEBRUARII.

Die i. Februarii.
In festo sanctæ Brigidæ, Virginis.
duplex.

**Missa. Dilexisti. de Communi Vir-
ginum tantum.**

Oratio.
Omnipotens sempiterne Deus, qui
es sanctarum gloria virtutum,
clementiam tuam supplices exoramus:
ut per merita beatæ Virginis tuæ Bri-
gidæ, opportunum tuæ pietatis auxi-
lium sentiamus. Per Dominum.

Secreta.
Munera tibi Domine dicata sancti-
fica: & intercedente beata Bri-
gida Virgine tua, per eadem nos pla-
catus intende. Per Dominum.

Postcommunio.

Satiasti Domine, familiam tuam
smuneribus sacris: ejus quæsumus
semper interventione nos refove,
cujus solemnia celebramus. Per Dñm.

Die iv. Februarii.
S. Ansgarii Episc. & Confessoris.
duplex.

**Missa. Statuit. de Comm. Conf. Pon-
tif. Oratio. Exaudi quæsumus. Ex
Missa sequenti. Sacerdotes tui.**

Die vi. Februarii.
S. Dorotheæ Virginis & Martyris.
duplex.
**Missa. Me expectaverunt. In
Communi Virginum & Martyrum.**

Die ix. Februarii.
S. Apolloniæ Virginis & Martyris.
duplex.
Missa Dilexisti. de Comm. Virg. Mart.

Die x. Februarii.
S. Scholasticæ Virginis. dupl. Missa.
Dilexisti.

Oratio.

Deus, qui animam beatæ Virginis
tuæ Scholasticæ, ad ostendendam
innocentiæ viam, in columbæ specie
cælum penetrare fecisti; da nobis ejus
meritis, & precibus ita innocenter vi-
vere, ut ad æterna mereamur gaudia
pervenire. Per Dominum.

Die xxv. Februarii.
S. Sigfridi Episc. Confess. duplex.
Missa. Statuit. de Comm. Conf. Pont.
Oratio.

Deus, qui beatum Sigfridum Con-
fessorem tuum, Evangelicæ præ-
dicationis gratia sublimasti: præsta
quæsumus; ut & doctrina ejus erudia-
mur, & precibus adjuvemur. Per Do-
minum.

FESTA MARTII.

Die i. Martii.

S. Albini Confessoris Pontificis
dupl. in Diœcesi Gnesnensi.
Missa. Statuit. de Comm. Conf. Pont.
Oratio.

Votiva quæsumus Domine, nos
beati Albini Confessoris tui atque
Pontificis natalicia restaurent, & ad
omne bonum tua gratia faciant pro-
pensiores. Per Dominum.

Die ii. Martii.

S. Helenæ Imperatricis Viduæ. dupl.
Introitus.

Mihi autem absit gloriari, nisi in
Cruce Domini nostri Jesu Chri-
sti, per quem mihi mundus crucifixus
est, & ego mundo.

Psal. 22. Virga tua & baculus tu-
us, ipsa me consolata sunt.

Gloria Patri. Oratio

Domine Jesu Christe, qui locum,
ubi Crux tua latebat, beatæ He-
lenæ revelasti, ut per eam Ecclesiam
tuam hoc pretioso thesauro ditares,
ejus nobis intercessione concede, ut
vitalis ligni pretio æternæ vitæ præ-
mia

consequamur. Qui vivis & re-
gnas.

In Quadragesima fit comm. Per.

Lectio libri Sapientiæ. Prov. 31. b

Mulierem fortem quis inveniet?
procul, & de ultimis finibus
pretium ejus. Confidit in ea cor viri
sui, & spoliis non indigebit. Reddet
ei bonum, & non malum, omnibus
diebus vitæ suæ. Quæsit lanam & li-
num, & operata est consilio manuum
suarum. Facta est quasi navis instito-
ris, de longè portans panem suum. Et
de nocte surrexit, deditque prædam
domesticis suis, & cibaria ancillis suis.

Consideravit agrum, & emit eum, de
fructu manuum suarum plantavit vi-
neam. Accinxit fortitudine lumbos
suos, & roboravit brachium suum. Gu-
stavit & vidit, quia bona est negotiatio
ejus, non extinguetur in nocte lucer-
na ejus. Manum suam misit ad fortia,
& digiti ejus apprehenderunt fenum.

Manum suam aperuit inopi, & pal-
mas suas extendit ad pauperem. Non
timebit domui suæ à frigoribus nivis,
omnes enim domestici ejus vestiti sunt
duplicibus. Stragulatam vestem fecit
sibi, byssus & purpura indumentum
ejus. Nobilis in portis vir ejus, quan-
do sederit cum senatoribus terræ. Sin-
donem fecit, & vendidit, & cingulum
tradidit Chanaanæo. Fortitudo & decor
indumentum ejus, & ridebit in die no-
vissimo. Os suum aperuit sapientiæ,
& lex clementiæ in lingua ejus. Con-
sideravit semitas domus suæ, & panem
otiosa non comedit. Surrexerunt fi-
lii ejus, & beatissimam prædicaverunt;
vir ejus, & laudavit eam. Multæ filiæ
congregaverunt divitias, tu super-
gressa es universas. Fallax gratia, &

vana est pulchritudo: mulier timens
Dominum, ipsa laudabitur. Date ei
de fructu manuum suarum, & laudent
eam in portis opera ejus.

Graduale. Vultum tuum depreca-
buntur omnes divites plebis, filiæ Re-
gum in honore tuo.

V. Adducentur Regi Virgines post
eam, proximæ ejus afferentur tibi in
lætitia & exultatione, adducentur in
templum Regis.

Tractus. Veni sponsa Christi, ac-
cipe coronam, quam tibi Dominus
præparavit in æternum.

V. Psalm. 44. Dilexisti justitiam,
& odisti iniquitatem, propterea unxit
te Deus, Deus tuus oleo lætitiæ præ-
confortibus tuis. **V.** Specie tua &
pulchritudine tua intende, prosperè
procede, & regna.

**Sequentia S. Evangelii secun-
dum Matthæum. Matth. 13.**

In illo tempore: Dixit Jesus Discipu-
lis suis parabolam hanc: Simile est
Regnum Cælorum thesauro abscondi-
to in agro, quem qui invenit homo,
abscondit, & præ gaudio illius vadit,
& vendit universa quæ habet, & emit
agrum illum. Iterum simile est Regnum
Cælorum homini negotiatori, quæren-
ti bonas margaritas. Inventa autè una
pretiosa margarita, abiit & vendidit
omnia, quæ habuit, & emit eam. Ite-
rum simile est Regnum Cælorum sa-
genæ missæ in mare, & ex omni gene-
re piscium congreganti. Quam, cum
impleta esset, educentes & secus litus
sedentes, elegerunt bonos in vasa,
malos autem foras miserunt. Sic erit
in consummatione sæculi. Exhibunt
Angeli, & separabunt malos de medio
justorum, & mittent eos in caminum
ignis: ibi erit fletus, & stridor den-
tium. Intellexistis hæc omnia? Di-
cunt ei: etiam. Ait illis: Idè omnis
scriba doctus in Regno Cælorum, si-
milis est homini patrifamilias, qui
profert de thesauro suo nova & vete-
ra.

Offertorium. Non enim judicavi
me scire aliud, nisi Jesum Christum,
& hunc Crucifixum. **Secreta.**

Per hæc sacra Mysteria concede
nobis Domine, ut sicut beatæ He-
lenæ misericorditer tribuisti, ut Fi-
lium tuum Crucifixum in corde sem-

B

per

per gestaret, ita & nos eum in cordibus nostris perpetuo deferamus. Per eundem Dominum.

In Quadragesima Commem. Feria & Prælatio Quadrages.

Communio. Ascendam in Palmam, & apprehendam fructus ejus.

Postcommunio.

Concede nobis misericors Deus, ut qui salutiferæ Crucis tuæ fructu in terra sumus recreati, per intercessionem beatæ Helenæ eodem jugiter perfrui mereamur in cælis. Qui vivis.

In Quadragesima Commem. Feria & ultimum Evangelium de eadem.

Die iv. Martii.

In festo S. Casimiri Confessoris. dupl. Missa. Os justi. de Communi Conf. non Pontificis.

Oratio.

Deus, qui inter regales delicias intactum à mundi illecebris spiritum sancti Casimiri Confessoris tui conservasti: fac, quæsumus: ut tui fideles ita in tuo amore firmentur, ut & terrena despiciant, & ad cœlestia semper aspirent. Per Dominum.

Pro Commemoratione sancti Lucii, Papæ & Martyris.

Oratio.

Deus, qui nos beati Lucii Martyris atque Pontificis annua solemnitate lætificas: concede propitius: ut cujus natalitia colimus, de ejusdem etiam protectione gaudeamus. Per Dominum.

Secreta.

Suscipe, misericors Deus, hæc tuæ plebis obsequia, & cœlestia munera expectantis petitiones propitius exaudi. Per Dominum.

De sancto Lucio. Secreta.
Munera tibi Dñe dicata sanctifica: & intercedente beato Lucio Martyre tuo atque Pontifice, per eadem nos placatus intende. Per Dominum.

Postcommunio.

Cœlesti alimonia satiati, ad te Domine cuncti confugimus, ut qui multorum criminum pondere premimur, per sancti Casimiri merita ad te levemur. Per Dominum.

Pro Commemoratione S. Lucii.

Postcommunio.

Hæc nos communio, Domine purget à crimine: & intercedente beato Lucio Martyre tuo atque Pontifice, cœlestis remedii faciat esse confortes. Per Dominum.

Die v. Martii.

In festo Translationis sancti Wenceslai Martyris. duplex.

Introitus.

Lætabitur justus in Domino, & sperabit in eo, & laudabuntur omnes recti corde.

Psalms. Exaudi Deus orationem meam, cum deprecor: à timore inimici eripe animam meam.

V. Gloria Patri.

Oratio.

Deus, qui beati Wenceslai nobilitatem in meliorem mutasti dignitatem, & eum per Martyrii palmam ad cœlestem perduxisti gloriam: ejus precibus nos, quæsumus, ab omni adversitate libera, & æternæ beatitudinis concede perfrui gloria. Per.

Lectio Epistolæ beati Petri Apostoli. 1. Petri. 4. c

Charissimi: Communicantes Christi passionibus gaudete: ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis Dei, & qui est ejus Spiritus, super vos requiescit. Nemo autem vestrum patiat ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem Deum in isto nomine. Quoniam tempus est, ut incipiat iudicium à domo Dei. Si autem primùm à nobis

quis

quis finis eorum, qui non credunt Dei Evangelio? Et si justus vix salvabitur, impius, & peccator ubi parerunt? Itaque & hi, qui pariuntur secundum voluntatem Dei, fidei Creatori commendent animas suas in benefactis.

Graduale. Justus cum ceciderit, non collidetur: quia Dominus supponit manum suam.

V. Tota die miseretur, & commodat: & semen ejus in benedictione erit.

Tractus. Beatus vir, qui timet Dominum: in mandatis ejus cupit nimis.

V. Potens in terra erit semen ejus, generatio rectorum benedicetur.

V. Gloria, & divitiæ in domo ejus: & justitia ejus manet in sæculum sæculi.

Sequentia S. Evangelii secundum Matthæum **Matth. 16. d**

In illo tempore: Dixit Jesus Discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucretur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Offertorium. Posuisti Domine in capite ejus coronam de lapide pretioso: vitam petiit à te, & tribuisti ei.

Secreta.

Accepta sit in conspectu tuo, Domine, nostra devotio: & ejus nobis fiat supplicatione salutaris, pro cuius solemnitate defertur. Per &c.

Communio. Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris sacri, quæsumus, Domine Deus

noster: ut cujus exequimur cultum, intercedente beato Wenceslao Martyre tuo, sentiamus effectum. Per Dominum.

Die x. Martii.

In festo sanctorum Cyrilli & Methodii Confessorum & Pontificum, in Diocesi Gnese. Semiduplex; in Premislien. duplex.

Missa. Sacerdotes. de Communi Conf. Pontif.

Oratio:

Omnipotens sempiternæ Deus, qui nos per beatos Pontifices & Confessores tuos Cyrillum & Methodium ad unitatem fidei Christianæ vocare dignatus es, præsta, quæsumus: ut qui præsentem eorum festivitatem lætamur, ipsorum etiam meritis gloriam consequi mereamur æternam. Per Dominum.

Tractus. Qui seminant in lacrymis, in gaudio metent.

V. Eunte ibant, & flebant mittentes semina sua.

R. Venientes autem venient cum exultatione, portantes manipulos suos.

Offertorium. Mirabilis Deus in sanctis suis: Deus Israel, ipse dabit virtutem, & fortitudinem plebi suæ: benedictus Deus.

Secreta.

Oblatis, quæsumus Domine, placare muneribus: & intercedentibus sanctis tuis Cyrillo & Methodio, à cunctis nos defende periculis. Per Dominum.

Communio. Quod dico vobis in tenebris, dicite in lumine, dicit Dominus: & quod in aure auditis, prædicate super tecta.

Postcommunio.

Præsta nobis, quæsumus Domine, intercedentibus sanctis Confessoribus tuis Cyrillo & Methodio, ut quod ore contingimus, pura mente capiamus. Per eundem Dominum

Die

Die xvii. Martii.
S. Gertrudis Virginis. Semiduplex
in Diœcesi Gnesnensi & Culmensi.
Missæ. Dilexisti. Oratio. Indulgentiam tuam. dempto & Martyr. de Comm. Virg.

Die xviii. Martii.
S. Gabrielis Archangeli, duplex.
Missæ ut in novissimo Missali.

Die xxiii. Martii.
S. Catharinæ Vastanensis Virginis.
duplex
Missæ. Dilexisti. de Comm. Virg.
Oratio.

Deus, qui Ecclesiam tuam beatæ Catharinæ Virginis præclaris decoras meritis, & gloriosis lætificas miraculis: concede nobis famulis tuis, ut & exemplis ejus in melius reformemur, & patrocinio ab omnibus adversis protegamur. Per Dominum.

FESTA APRILIS.

Die xxiii. Aprilis.
In festo sancti Adalberti Episcopi & Martyris. duplex.
Introitus.

Protexisti me Deus à conventu malignantium, Alleluja: à multitudine operantium iniquitatem, Alleluja, Alleluja.

Psalms. Exaudi Deus orationem meam, cum deprecor: à timore inimici eripe animam meam.

Gloria Patri. Protexisti.
Oratio.

Tuam nobis indulgentiam, quæsumus Domine, beatus Adalbertus Episcopus & Martyr imploret: ut & delicta nobis clementer ignoscas, & beneficia desiderata concedas. Per Dominum.

Lectio Epistolæ beati Pauli Apostoli ad Hebræos. Hebr. 5.

Fratres: Omnis Pontifex ex hominibus assumptus, pro hominibus

constituitur in iis, quæ sunt ad Deum, ut offerat dona, & sacrificia pro peccatis: qui condolare possit iis, qui ignorant, & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem: sed qui vocatur à Deo, tamquam Aaron. Sic & Christus non semetipsum clarificavit, ut Pontifex fieret, sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es sacerdos in æternum, secundum ordinem Melchisedech.

Alleluja, alleluja.

V. Surrexit Pastor bonus, qui posuit animam suam pro ovibus suis, & pro grege suo mori dignatus est. Alleluja.

V. Posuisti Domine super caput ejus coronam de lapide pretioso. Alleluja.

Sequentia S. Evangelii secundum Joannem. Joann. 10.

In illo tempore: Dixit Jesus Pharisæis: Ego sum pastor bonus. Bonus pastor animam suam dat pro ovibus suis. Mercenarius autem, & qui non est pastor, cujus non sunt oves propriæ, videt lupum venientem, & dimittit oves, & fugit: & lupus rapit, & dispergit oves. Mercenarius autem fugit, quia mercenarius est: & non pertinet ad eum de ovibus. Ego sum pastor bonus: & cognosco oves meas, & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient: & fiet unum ovile, & unus pastor. **Credo.**

Offertorium. Posuisti Domine in capite ejus coronam de lapide pretioso: vitam petiit à te, & tribuisti ei, Alleluja. Secreta.

Sacrificium exhibitum, quæsumus Domine, benignus assume: ut quod

no-

nomini tuo in solemnitate beati Adalberti Martyris tui, atque Pontificis deferimus, nobis profit ad veniam. Per Dominum.

Communio. Ego sum pastor bonus, Alleluja: & cognosco oves meas, & cognoscunt me meæ. Alleluja, allel.

Postcommunio.

Refecti, Domine, muneribus facris, supplices te deprecamur: ut indulgentiam tuam nobis intercessio beati Adalberti Martyris tui atque Pontificis semper imploret. Per Dominum nostrum Jesum Christum Filium tuum: Qui tecum vivit, & regnat in unitate spiritus sancti Deus.

Die xxiv. Aprilis.

In festo S. Georgii Martyris Semid. in Lithuania dupl. celebraturque xxiii. April. Translato in xxiv. Festo sancti Adalberti.
Missæ. Protexisti.

DOMINICA II. vel III. POST PASCHA. Festum de SS. Sepulchro Domini nostri Jesu Christi.

Introitus. Iaiæ. 2.

In die illa erit radix Jesse, qui stat in signum populorum, ipsum gentes deprecabuntur, Alleluja. Et erit Sepulchrum ejus gloriosum, Alleluja, alleluja.

Psalms. 45. Fluminis impetus lætificat civitatem Dei: Sanctificavit Tabernaculum suum Altissimus.

Gloria Patri. In. Oratio.

Domine Jesu Christe, qui pro nobis mortem subire, & in Sepulchro depositus, tertia die resurgere voluisti, concede famulis tuis, ut qui Sepulchri Tui memoriam recolimus, Resurrectionis Tuæ participes esse mereamur. Qui vivis.

Commem. Dominicæ occurrent. Lectio Actuum Apostolorum Act. 13.

In diebus illis: Surgens Paulus, & manu silentium indicens, ait: Viri fratres, filii generis Abraham, & qui Proprium Poloniæ &c.

in vobis timent Deum, vobis verbum salutis hujus missum est. Qui enim habitabant Jerusalem & principes ejus, ignorantes Jesum, & voces Prophetarum, quæ per omne Sabbatum leguntur, judicantes impleverunt: & nullam causam mortis inveniunt in eo, petierunt à Pilato, ut interficerent eum. Cùmque consummassent omnia, quæ de eo scripta erant, deponentes eum de ligno, posuerunt eum in monumento. Deus verò suscitavit eum à mortuis tertia die: qui vilus est per dies multos his, qui simul ascenderant cum eo de Galilæa in Jerusalem: qui usque nunc sunt testes ejus ad plebem. Alleluja, alleluja. Qui expectant mortem, & non venit, quasi effodientes thesaurum; gaudentque vehementer, cùm invenerint Sepulchrum, Alleluja.

Currebant duo simul, & ille alius Discipulus præcucurrit citius Petro, & venit primus ad monumentum, Alleluja.

Sequentia S. Evangelii secundum Lucam. Luc. 24.

Una Sabbati valdè diluculo venerunt mulieres ad monumentum, portantes, quæ paraverant aromata: & invenerunt lapidem revolutum à monumento, & ingressæ non invenerunt Corpus Domini Jesu. E factum est, dum mente consternatæ essent de isto, ecce duo viri steterunt secus illas in veste fulgenti. Cùm timerent autem, & declinarent vultum in terram, dixerunt ad illas: Quis quæritis Viventem cum mortuis? Non est hic, sed surrexit: recordamini qualiter locutus est vobis, cùm adhuc in Galilæa esset, dicens: Quia oportet Filium hominis tradi in manus hominum peccatorum & crucifigi, & die tertia resurgere. Et recordatæ sunt verborum ejus. Et regressæ à monumento, nuntiaverunt hæc omnia illis undecim, & ceteris omnibus. Erat autem Maria Magdalene, & Jo-

C

anna,

anna, & Maria Jacobi, & ceteræ, quæ cum eis erant, quæ dicebant ad Apostolos hæc. Et visa sunt ante illos, sicut deliramentum verba ista: & non crediderunt illis. Petrus autem surgens, cucurrit ad monumentum, & procumbens vidit lintheamina sola posita, & abiit secum mirans, quod factum fuerat. **C**redo.

Offertorium. Psalm. 41. Transibo in locum Tabernaculi admirabilis usque ad domum Dei, Alleluja.

Secreta.

Deus, qui per depositionem Sanctissimi Corporis Filii Tui in Sepulchro, idem Sepulchrum sanctificasti, concede quæsumus, ut in hoc Sepulchro anima & corde habitemus. Per eundem Dominum.

Commemoratio Dominicæ.

Præfatio de Resurrectione.

Communio. Sap. 9. Beatus qui audit me, & qui vigilat ad fores meas quotidie, & observat ad postes ostii mei, Alleluja.

Postcommunio.

Deus, qui nos Sancti Sepulchri Filii Tui lætari facis honore, præsta quæsumus, ut in eodem sepulti, mundo moriamur, & Tibi soli vivamus. Per eundem Dominum.

Commemoratio & Evangelium ultimum Dominicæ.

DOMINICA II. vel III. POST PASCHA. Festum Patrocinii S. Josephi, duplex. Missa prop. ut in Missali.

FESTA MAJI.

Die ii. Maji.

In festo S. Sigismundi, Regis & Martyris. Dupl. in Diocesi Plocensi. Missa. Protexisti. De Communi Mart. tempore Paschali.

Oratio.

Deus, qui beatum Sigismundum regem, temporali, & æterno diademate cum desiderata Martyrii co-

rona honorare dignatus es: tribue, quæsumus, ut qui ejus merita veneramur in terris, ipsius intercessione ab omnibus protegatur adversis. Per.

Secreta.

Concede quæsumus Rex æternæ: ut hujus sacrificii munus oblatum, interventu sancti Sigismundi, Regis & Martyris, fragilitatem nostram ab omni adversitate semper protegat & muniat. Per Dominum.

Postcommunio.

Purificent nos, quæsumus Rex æternæ, tua percepta sacramenta: & intercessione beati Sigismundi, Regis & Martyris tui, ab omni malo expiatis, tibi nos reddant acceptos. Per Dominum.

Die iv. Maji.

In festo S. Floriani Martyris. duplex. Missa. Protexisti. De Communi Mart. tempore Paschali.

Oratio.

Deus, qui nos beati Floriani Martyris tui solemnitate lætificas: concede propitius; ut cujus gloriosum triumphum veneramur in terris, societatis ejus lætitiâ adipisci mereamur in cœlis. Per Dominum.

Secreta.

Hanc oblationis hostiam, quæsumus omnipotens Deus, beati Floriani Martyris tui digna commendet oratio: qui sancto charitatis tuæ devictus amore, propriam sui corporis hostiam in odorem suavitatis tibi obtulit vivam. Per Dominum.

Postcommunio.

Sancta nos, quæsumus Domine, sacramenti cœlestis participatio, & ab hostium callido tueatur incursu, & sancto Floriano intercedente, nobis remedia salutis conferat sempiterna. Per Dominum.

Die viii. Maji.

In festo S. Stanislai Episcopi & Martyris. duplex.

Missa.

Missa. Protexisti. ut xxiii. April. supra. Oratio, Secreta & Postcomm. ut in Romano.

Die xiii. Maji.

In festo S. Servatii Episc. Conf. dupl. in Diocesi Gnesnensi.

Missa. Statuit.

Oratio.

Deus, qui populo tuo sanctum dedisti Servatium prædicatorem, concede quæsumus, ut nos tanti Pontificis intercessione, & tuæ pietatis defensione, ab omnibus ubique liberemur adversis, & tranquilla prosperitate, in tua jugiter laude lætemur. Per Dominum.

Die xvi. Maji.

In festo S. Joannis Nepomuceni, Mart. dupl.

Missa. Protexisti. De Communi Martyr. tempore Paschali. Extra tempus Pasch. Missa. Lætabitur.

Oratio.

Deus, qui ob invictum beati Joannis Sacramentale silentium nova Ecclesiam tuam Martyrii corona decorasti: da nobis ejus intercessione, & exemplo linguam cautè custodire, ac omnia potius mala, quam animæ detrimentum in hoc sæculo tolerare. Per Dominum.

Secreta.

Per hæc tua, Domine, sacra Mysteria illo nos charitatis igne accendamus, quo inclytus Martyr Joannes eadem peragendo flagrabat. Per Dominum.

Postcommunio.

Spiritum, Domine, fortitudinis hæc nobis tribuat mensa cœlestis, quæ beati Martyris tui Joannis tentatam contra honorem Sacramenti constantiam, jugiter aluit ad victoriam. Per Dominum nostrum. In unitate ejusdem spiritus sancti Deus, per omnia sæcula sæculorum.

Die xviii. Maji.

S. Erixi, Regis & Martyris, dupl. Missa. Protexisti.

Oratio.

Deus, qui beato Erico, Regi & Martyri tuo, victoriæ palmam & cœlestis regni gloriam contulisti: fac nos, quæsumus ejus meritis, & intercessione cuncta nobis adversantia vincere, & coronam gloriæ in cœlis feliciter obtinere. Per Dominum.

FESTA JUNII.

Feria vi. post Octav. Corporis Christi. Festum SS. Cordis Jesu Missa ut in fine Missalis.

Die iii. Junii.

In festo S. Erasmi, Episcopi & Martyris. duplex. In Diocesi Ploceni. alibi ad libit.

Missa de Comm. Mart. Pont. pro divers. temp.

Oratio.

Deus, cujus virtute beatus Erasmus Martyr & Pontifex, multorum tormentorum genera superavit: fac nos, quæsumus, ejus intercessione, universas insidias inimicorum nostrorum visibilium, & invisibilium cum gaudio superare, & in Christo bonis operibus abundare. Per Dominum.

Secreta.

Munera tibi Domine dicata sanctifica: & intercedente beato Erasmo Martyre tuo atque Pontifice, per eadem nos placatus intende. Per.

Postcommunio.

Refecti participatione muneris sacri, quæsumus Domine Deus noster: ut cujus exequimur cultum, intercedente beato Erasmo Martyre tuo, atque Pontifice sentiamus effectum. Per Dominum.

Die xvi. Junii.

S. Bennonis Episcopi Conf. duplex. Missa. Statuit. De Communi Conf. Pont.

Ora-

Oratio.

DEus, qui nos beati Bennonis Pontificis Confessione gloriosa circumdas, & protegis: da nobis & ejus imitatione proficere, & intercessione gaudere. Per Dominum.

Die xix. Junii.

S. Bonifacii Episcopi Mart. Semid. Missa ex Comm. unius Mart. Pont.

Die xxi. Junii.

S. Aloysii Gonzagæ Confess. non Pontif. duplex Missa propria ut in fine Missalis.

Die xxii. Junii.

In festo S. Æschili, Episc. & Martyris. duplex. Missa. Sacerdotes. de Communi Mart. Pontif.

Oratio.

DEus, qui beatum Æschilum Pontificem tuum, pro fidei dilatatione Martyrium subire voluisti: præsta quæsumus; ut omnes, qui ejus implorant auxilium, petitionis suæ salutarem consequantur effectum. Per Dominum.

Die xxvii. Junii.

S. Ladislai Regis Hungariæ Confess. duplex in Diocesi Vilnensi, Samogit. Livoniæ. Missa ex 25. August. Festo S. Ludovici Confessoris.

Oratio.

DEus, qui beatum Regem Ladislaum Confessorem tuum diversis decorasti miraculis, præsta quæsumus, ut ejus suffragantibus meritis, ab omnibus semper muniamur adversis, & gaudiis perfruamur æternis. Per Dominum.

Die xxix. Junii.

In festo SS. Petri & Pauli Apost. fieri debet Commemoratio omnium SS. Apostolorum.

Oratio.

DA quæsumus, omnipotens Deus, ut beatorum Apostolorum, quam commemoramus, veneranda solemnitas, & devotionem nobis augeat, & salutem. Per Dominum.

Secreta.

Apostolici reverentia culminis offerentes tibi sacra mysteria, Domine quæsumus; ut beatorum Apostolorum tuorum suffragiis, quorum commemorationem facimus, plebs tua semper & sua vota depromat, & desiderata percipiat. Per Dominum.

Postcommunio.

Sanctorum Apostolorum tuorum, quæsumus Domine, supplicatione placatus, & veniam nobis tribue, & remedia sempiterna concede. Per Dominum.

DOMINICA I POST OCTAVAM

SS. Petri & Pauli.

Festum Sanctorum Patronorum Regni Sueciæ.

Introitus.

Gaudemus omnes in Domino, diem festum celebrantes sub honore Sanctorum omnium, de quorum solemnitate gaudent Angeli, & collaudant Filium Dei.

Psalms. Exultate justi in Domino: rectos decet collaudatio.

✠. Gloria Patri.

Oratio.

Infirmi-
tatem nostram, quæsumus Domine, propitius respice: & mala omnia, quæ pro peccatis nostris justè meremur, Sanctorum tuorum hujus Regni Patronorum intercessione clementer averte. Per Dominum.

Lectio libri Sapientiæ. Sap. 3.

Justorum animæ in manu Dei sunt, & non tanget illos tormentum mortis. Visi sunt oculis insipientium mori: & æstimata est afflictio exitus illorum; & quod à nobis est iter, exterminium: illi autem sunt in pace. Et si coram hominibus tormenta passi

Secreta.

Munera tibi, Domine, nostræ devotionis offerimus: quæ & pro cunctorum tibi grata sint honore justorum, & nobis salutaria, te miserante, reddantur. Per Dominum.

Communio. **B**eati mundo corde, quoniam ipsi Deum videbunt: beati pacifici, quoniam filii Dei vocabuntur: beati, qui persecutionem patiuntur propter justitiam, quoniam ipsorum est regnum cælorum.

Postcommunio.

DA, quæsumus, Domine Deus noster: ut sicut tuorum commemoratione Sanctorum, temporali gratulamur officio; ita perpetuo lætemur aspectu. Per Dominum.

FESTA JULII.

Die vii. Julii.

S. Pulcheriæ Imperatricis Virg. Introitus.

Vultum tuum deprecabuntur omnes divites plebis, adducuntur Regi virgines post eam: proximæ ejus adducuntur tibi in lætitia, & exultatione.

Psalms. 44. Eructavit cor meum verbum bonum: dico ego opera mea Regi.

✠. Gloria Patri. **Vultum.**

Oratio.

DEus, qui beatam Pulcheriam Virginem tuam singulari castitatis prærogativa decorasti, quique illi ad defendendam Ecclesiam tuam summum Fidei amorem tribuere voluisti; concede, ut ejus intercessione tibi puris mentibus inhærentes, ab omnium hostium insidiis misericorditer liberemur. Per Dominum.

Lectio Epistolæ beati Pauli Apostoli ad Corinthios. 1. Cor. 7. d

Fratres de virginibus præceptum Domini non habeo: consilium autem do, tamquam misericordiam consecutus à Domino, ut sim fidelis. **Exi-**

D

stimo

si sunt, spes illorum immortalitate plena est. In paucis vexati, in multis bene disponentur: quoniam Deus tentavit eos, & invenit eos dignos se. Tamquam aurum in fornace probavit illos, & in tempore erit respectus illorum. Fulgebunt justi, & tamquam scintillæ in arundinetis discurrent. Judicabunt nationes, & dominabuntur populis, & regnabit Dominus illorum in perpetuum.

Graduale. **T**imete Dominum omnes Sancti ejus: quoniam nihil deest timentibus eum.

✠. Inquirentes autem Dominum non deficient omni bono. Alleluja, alleluja.

✠. Venite ad me omnes, qui laboratis, & onerati estis, & ego reficiam vos. Alleluja.

Sequentia S. Evangelii secundum Matthæum. **Matth. 5.**

In illo tempore: Videns Jesus turbas, ascendit in montem, & cum sedisset, accesserunt ad eum discipuli ejus, & aperiens os suum, docebat eos dicens: Beati pauperes spiritu: quoniam ipsorum est regnum cælorum. Beati mites: quoniam ipsi possidebunt terram. Beati, qui lugent: quoniam ipsi consolabuntur. Beati, qui esuriunt, & sitiunt justitiam: quoniam ipsi saturabuntur. Beati misericordes: quoniam ipsi misericordiam consequentur. Beati mundo corde: quoniam ipsi Deum videbunt. Beati pacifici: quoniam filii Dei vocabuntur. Beati, qui persecutionem patiuntur propter justitiam: quoniam ipsorum est regnum cælorum. Beati estis, cum maledixerint vobis, & persecuti vos fuerint, & dixerint omne malum adversum vos, mentientes, propter me: gaudete, & exultate, quoniam merces vestra copiosa est in cælis.

Credo.

Offertorium. Justorum animæ in manu Dei sunt, & non tanget illos tormentum malitiæ: visi sunt oculis insipientium mori, illi autem sunt in pace. **Proprium Poloniæ &c.**

Itimo ergo hoc bonum esse propter instantem necessitatem: quoniam bonum est homini sic esse. Alligatus es uxori? Noli quærere solutionem. Solutus es ab uxore? Noli quærere uxorem. Si autem acceperis uxorem, non peccasti. Et si nupserit virgo, non peccavit. Tribulationem tamen carnis habebunt hujusmodi. Ego autem vobis parco. Hoc itaque dico, fratres: tempus breve est: reliquum est, ut & qui habent uxores, tamquam non habentes sint.

Graduale. Specie tua, & pulchritudine tua: intende, prosperè procede, & regna.

✠. Propter veritatem, & mansuetudinem, & justitiam: & deducet te mirabiliter dextera tua. Alleluja, alleluja.

✠. Filiæ regum in honore tuo, astitit Regina à dextris tuis in vestitu deaurato, circumdata varietate. Alleluja.

✠. **S**equentia S. Evangelii secundum Joannem. **Joann. 17.**

In illo tempore dixit Jesus: Hæc est autem vita æterna, ut cognoscant te solum Deum verum, & quem misisti Jesum Christum. Ego te clarificavi super terram, opus consummavi, quod dedisti mihi ut faciam. Et nunc clarifica me tu Pater apud te ipsum claritate, quam habui, priusquam mundus esset apud te. Manifestavi nomen tuum hominibus, quos dedisti mihi de mundo: tui erant, & mihi eos dedisti, & sermonem tuum servaverunt. Nunc cognoverunt, quia omnia, quæ dedisti mihi, abs te sunt: quia verba, quæ dedisti mihi, dedi eis, & ipsi acceperunt, & cognoverunt verè, quia à te exivi, & crediderunt, quia tu me misisti.

Offertorium. Tu gloria Hierusalem, tu lætitia Israel, tu honorificentia populi nostri; quia fecisti viriliter, & confortatum est cor tuum, eò quòd castitatem amaveris.

Secreta.

Accepta tibi sit, Domine, sacratæ plebis oblatio pro tuorum honore sanctorum, quorum se meritis de tribulatione percepisse cognoscit auxilium. Per Dominum.

Communio. O quàm pulchra est casta generatio cum claritate: immortalis est enim memoria illius: quoniam & apud Deum nota est, & apud homines.

Postcommunio.

Satiasti, Domine, familiam tuam muneribus sacris: ejus, quæsumus, semper interventione nos refove, cujus solemnia celebramus. Per Dominum.

Die ix. Julii.

SS. Martyrum Gorcomiensium, dupl. in Dioc. Pofnaniensi, Plocensi & Varmiensi, ad libit.

Missæ. Intret in conspectu. **De Comm. Martyr.**

Oratio.

Deus, qui beatorum Martyrum tuorum Nicolai & Sociorum ejus, gloriosum pro fide tua certamen æternitatis laurea decorasti, concede propitius, ut eorum meritis & imitatione certantes in terris, cum ipsis coronari mereamur in cœlis. Per.

Die xiii. Julii.

S. Margaritæ Virg. & Martyris. dupl. Missæ. Me expectaverunt. **De Comm. Virg. & Mart.**

Die xv. Julii.

In festo Divisionis SS. Apostolorum. duplex.

Introitus. Psalm. 138.

Mihi autem nimis honorati sunt amici tui Deus: nimis confortatus est principatus eorum.

Psalm. Domine probasti me, & cognovisti me: tu cognovisti sessionem meam, & resurrectionem meam.

✠. Gloria Patri.

Ora-

Oratio.

Deus, qui in tuorum Divisione Apostolorum gentium multitudinem in unitate fidei ad agnitionem tui sancti nominis convocasti: aures tuæ pietatis Ecclesiæ precibus inclina, & concede, ut, quorum prædicatione te cognovimus, horum obtentu in confessione veritatis tuæ fideliter firmiterque maneamus. Per Dominum.

Lectio Actuum Apostolorum. Act. 5.

In diebus illis: per manus Apostolorum fiebant signa & prodigia multa in plebe. Et erant unanimiter omnes in porticu Salomonis. Ceterorum autem nemo audebat se conjungere illis: sed magnificabat eos populus. Magis autem augebatur credentium in Domino multitudo virorum ac mulierum, ita ut in plateas ejicerent infirmos, & ponerent in lectulis, & grabatis, ut, veniente Petro, saltem umbræ illius obumbraret quemquam illorum, & liberarentur ab infirmitatibus suis. Concurrerat autem & multitudo vicinarum civitatum Jerusalem, afferentes ægros, & vexatos à spiritibus immundis: qui curabantur omnes.

Graduale. Psalm. 44. Constitues eos principes super omnem terram: memores erunt nominis tui Domine. ✠. Pro Patribus tuis nati sunt tibi filii; propterea populi confitebuntur tibi. Alleluja, alleluja.

✠. **Luc. 22.** Rogavi pro te Petre, ut non deficiat fides tua: & tu aliquando conversus, confirma fratres tuos. Alleluja.

✠. **S**equentia S. Evangelii secundum Lucam. **Luc. 10.**

In illo tempore: Designavit Dominus & alios septuaginta duos, & misit illos binos ante faciem suam in omnem civitatem, & locum, quòd erat ipse venturus. Et dicebat illis: Messis quidem multa, operarii autem pauci. Rogate ergo Dominum messis, ut mittat operarios in messem suam. Ite: ecce ego mitto vos sicut agnos inter

lupos. Nolite portare sacculum, neque peram, neque calceamenta, & neminem per viam salutaveritis. In quamcumque domum intraveritis, primùm dicite: Pax huic domui: & si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes, & bibentes, quæ apud illos sunt: dignus est enim operarius mercede sua. Nolite transire de domo in domum. Et in quamcumque civitatem intraveritis, & susceperint vos, manducate, quæ apponuntur vobis: & curate infirmos, qui in illa sunt, & dicite illis: appropinquavit in vos regnum Dei.

Credo.

Offertorium. Psalm. 18. In omnem terram exivit sonus eorum; & in fines orbis terræ verba eorum.

Secreta.

Hostias, Domine, quas nomini tuo sacrandas offerimus, Apostolica prosequatur oratio: per quam nos expiari tribuas, & defendi. Per Dominum.

Præfatio de Apostolis.

Communio. Vos, qui secuti estis me, sedebitis super sedes: judicantes duodecim Tribus Israel.

Postcommunio.

Quos cœlesti, Domine, alimento satiasti: Apostolicis intercessionibus ab omni adversitate custodi. Per Dominum.

Die xv. Julii.

Commemoratio S. Davidis Abbatis. Ex Missæ. Os justis. ut in Comuni Abbatum.

Die xvi. Julii.

SS. Bremitarum Andreae & Benedicti, Mart. duplex.

Missæ. Intret in conspectu. **de Comuni plurim. Mart.**

Die

Die xviii. Julii.

S. Simonis de Lipnica Conf. Semid.
Missæ. Os justi. de Communi Conf.
non Pontif.

Oratio.

Omnipotens sempiternæ Deus, qui beatum Simonem Confessorem tuum Evangelica prædicationis gratia sublimasti, concede propitius; ut ejus salutaris doctrinæ pabulo nutriti, quæ tibi sunt placita exsequentes, per semitas justitiæ ad cœlestem patriam feliciter pervenire valeamus. Per Dominum.

Die xix. Julii.

S. Joannis de Dukla Confess. duplex.
Missæ. Os justi. de Communi Conf.
non Pontificis.

Oratio.

Deus, qui beatum Joannem Confessorem tuum eximie humilitatis, & patientiæ donis decorasti: concede propitius, ut ejusdem imitantes exempla, consequamur & præmia. Per Dominum.

Die xx. Julii.

S. Ceslai Confessoris. duplex.
Missæ. Os justi. de Comm. Conf. non
Pont. Evang. Designavit Dominus.

Ex Missæ S. Marci xxv. April. Oratio.

Deus, qui beatum Ceslaum virgineo morum candore præditum, & salutis animarum zelo succensum in diversis nationum populis, operum sanctitate, & fidei propagatione mirabilem effecisti: præsta quæsumus, ut ejus intercessione simus semper in fide stabiles, & ad te, qui solus es æternæ salutis auctor ac largitor, misericordiæ tuæ munere pervenire valeamus. Per Dominum.

DOMINICA PROXIMA POST

xxiv. Julii vel ipsa xxiv.

S. Cunegundæ Virginis. duplex.
Missæ. Dilexisti. Oratio.

Deus, qui B. Cunegundam dulcedinis tuæ benedictionibus præve-

nisti, ac Virginem etiam in conjugio conservasti, præsta quæsumus; ut ipsa interveniente per vitæ puritatem tibi jugiter adhærere, & per ejus vestigia gradientes, ad te pervenire feliciter mereamur. Per Dominum.

Die xxvi. Julii.

S. Christinæ Virginis Martyr.
dupl. in Diœcesi Posnanien. Plo-
censi, Luceoriensi, & Varmien.
Missæ. Me exspectaverunt. de
Communi Virg. & Mart.

Die xxviii. Julii.

S. Bodvidi Martyris. duplex.
Missæ. Lætabitur justus. ut in Com-
muni Martyris.

Oratio.

Cordibus nostris, quæsumus Domine, veræ fidei splendor illuceat: & beati Bodvidi Martyris tui salutaris intercessio ab instantibus periculis nos defendat. Per Dominum.

Secreta.

Accepta sit in conspectu tuo, Domine, nostra devotio: & eorum nobis fiat supplicatione salutaris, pro quorum solemnitate defertur. Per Dominum.

Communio. Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris facti, quæsumus Domine Deus noster: ut, cujus exsequimur cultum intercedente beato Bodvido Martyre tuo, sentiamus effectum. Per Dominum.

Die xxix. Julii.

In festo S. Olavi Regis & Mart. dupl.
Missæ. In virtute tua. de Comm. u-
nus Mart. Evang. ex Missæ. Sacerdo-
tes Dei. Si quis vult post me venire

Oratio.

Deus, qui es Regum corona, & Martyrum victoria: tribue nobis,

bis, quæsumus, beati Olavi Regis & Martyris tui pia apud te experiri patrocinia: ut per tuam, quam in ejus passione glorificamus, magnificentiam, coronam vitæ diligentibus te percipiamus repromissam. Per Dominum.

Offertorium. Gloria, & honore coronasti eum, & constituisti eum super opera manuum tuarum Domine.

Secreta.

Muneribus nostris, quæsumus Domine, precibusque susceptis, & cœlestibus nos munda mysteriis, & clementer exaudi. Per Dominum.

Communio. Qui vult venire post me, abneget semetipsum: & tollat crucem suam, & sequatur me.

Postcommunio.

DA quæsumus, Domine Deus noster; ut, sicut tuorum commemoratione Sanctorum temporali gratulamur officio, ita perpetuo lætemur aspectu. Per Dominum.

Die xxxi. Julii.

In festo S. Helenæ, Viduæ & Mart. dupl.
Introitus.

Me exspectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis.

Psalm. Beati immaculati in via: qui ambulant in lege Domini.

V. Gloria Patri.

Oratio.

Largire nobis, quæsumus, clementissime Deus, intercessione beatæ Helenæ Martyris tuæ, veniam nostrorum peccatorum: & quos ejus concedis solemnibus gloriam, da ejus precibus gloriosis cœlitus adjuvari. Per Dominum.

Lectio libri Sapientiæ. Prov. 31. b

Mulierem fortem quis inveniet? procul, & de ultimis finibus pretium ejus. Confidit in ea cor viri sui, & spoliis non indigebit. Reddet ei bonum, & non malum, omnibus

diebus vitæ suæ. Quæsit lanam & limum, & operata est consilio manuum suarum. Facta est quasi navis institoris, de longè portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum, de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit & vidit, quia bona est negotiatio ejus, non extinguetur in nocte lucerna ejus. Manum suam misit ad fortia, & digiti ejus apprehenderunt fuscum. Manum suam aperuit inopi, & palmas suas extendit ad pauperem. Non timebit domui suæ à frigoribus nivis, omnes enim domestici ejus vestiti sunt duplicibus. Stragulatam vestem fecit sibi, byssus & purpura indumentum ejus. Nobilis in portis vir ejus, quando sederit cum senatoribus terræ. Sindonem fecit, & vendidit, & cingulum tradidit Chananeo. Fortitudo & decor indumentum ejus, & ridebit in die novissimo. Os suum aperuit sapientiæ, & lex clementiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam prædicaverunt; vir ejus, & laudavit eam. Multæ filiæ congregaverunt divitias, tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum, & laudent eam in portis opera ejus.

Graduale. Dilexisti justitiam, & odisti iniquitatem.

V. Propterea unxit te Deus, Deus tuus oleo lætitiæ, Alleluja, alleluja.

V. Specie tua, & pulchritudine tua: intende, prosperè procede, & regna Alleluja.

Sequentia S. Evangelii secundum Matthæum. Matth. 12.

In illo tempore: Loquente Jesu ad turbas, ecce mater ejus, & fratres stabant foris, quærentes loqui ei. Di-

E

xit

xit autem ei quidam : Ecce mater tua , & fratres tui foris stant , quærentes te. At ipse respondens dicenti sibi , ait : Quæ est mater mea , & qui sunt fratres mei ? Et extendens manum in discipulos suos , dixit : Ecce mater mea , & fratres mei. Quicumque enim fecerit voluntatem Patris mei , qui in cœlis est ; ipse meus frater , & soror , & mater est.

Offertorium. Diffusa est gratia in labiis tuis , propterea benedixit te Deus in æternum , & in sæculum sæculi , Alleluja.

Secreta.

Suscipe Domine munera , quæ in beatæ Helenæ Martyris tuæ solemnitate deferimus : cujus nos confidimus patrocinio liberari. Per Dominum.

Communio. Principes persecuti sunt me gratis , & à verbis tuis formidavit cor meum : lætabor ego super eloquia tua , & quasi qui invenit spolia multa.

Postcommunio.

Auxilientur nobis , Domine , sumpta mysteria : & intercedente beata Helena Martyre tua , sempiterna faciant protectione gaudere. Per Dominum.

FESTA AUGUSTI.

Die ii. Augusti.

Commemoratio Sanctæ Catharinæ Vastanensis Virg.

Missæ. ut suprâ xxiii. Martii.

Die xvi. Augusti.

S. Rochi Confessoris. duplex.

Missæ ex Comuni Abbatis.

Oratio.

Deus , qui gloriosus es in Sanctis tuis , quique cunctis ad eorum patrocinia confugientibus suæ petitionis salutarem præstas effectum ; concede plebi tuæ , ut intercedente B. Rocho Confessore tuo , quæ in ejus

commemoratione se devotam exhibet , à languore epidemiæ , quem in suo corpore pro tui nominis gloria passus est , sit libera , & tuo nomini semper sit devota. Per Dominum.

DOMINICA PROXIMA POST

Festum Assumptionis B. V. Mariæ.

S. Hyacinthi Confessoris. duplex.

Introitus.

Os justi meditabitur sapientiam , & lingua ejus loquetur judicium : lex Dei ejus in corde ipsius.

Psal. Noli æmulari in malignantibus : neque zelaveris facientes iniquitatem.

Gloria Patri.

Oratio.

Adesto Domine , supplicationibus nostris , quas in beati Hyacinthi Confessoris tui solemnitate deferimus : ut , qui nostræ justitiæ fiduciam non habemus , ejus , qui tibi placuit , precibus adjuvemur. Per Dominum.

Secunda Oratio de Octava Assumptionis B. Mariæ Famulorum tuorum.

Tertia de Octava S. Laurentii. Da nobis.

Lectio Epistolæ beati Pauli Apostoli ad Corinthios. 1. Cor. 4. b

Fratres , spectaculum facti sumus mundo , & angelis , & hominibus. Nos stulti propter Christum , vos autem prudentes in Christo : nos infirmi : vos autem fortes : vos nobiles , nos autem ignobiles. Usque in hanc horam & elurimus & sitimus , & nudi sumus , & colaphis cædimur , & instabiles sumus , & laboramus operantes manibus nostris : maledicimur , & benedicimus : persecutionem patimur , & sustinemus : blasphemamur , & obsecramus : tamquam purgamenta hujus mundi facti sumus , omnium peripilema usque adhuc. Non ut confundam vos , hæc scribo , sed ut filios meos charissimos moneo in Christo Jesu Domino nostro.

Graduale. Justus ut palma florebit : sicut

sicut cedrus Libani multiplicabitur in domo Domini.

V. Ad annuntiandum manè misericordiam tuam , & veritatem tuam per noctem. Alleluja , alleluja.

V. Beatus vir , qui suffert tentationem , quoniam cum probatus fuerit , accipiet coronam vitæ , Alleluja.

Sequentia S. Evangelii secundum Lucam. **Luc. 12. d**

In illo tempore : Dixit Jesus discipulis suis : Sint lumbi vestri præcincti , & lucernæ ardentes in manibus vestris , & vos similes hominibus expectantibus Dominum suum , quando revertatur à nuptiis : ut , cum venerit , & pulsaverit , confestim aperiant ei. Beati servi illi , quos cum venerit Dominus , invenerit vigilantes. Amen dico vobis , quod præcignet se , & faciet illos discumbere , & transiens ministrabit illis. Et si venerit in secunda vigilia , & si in tertia vigilia venerit , & ita invenerit : beati iunt servi illi. Hoc autem scitote , quoniam si sciret paterfamilias , qua hora fur veniret , vigilaret utique , & non sineret perfodi domum suam. Et vos estote parati : quia qua hora non putatis , filius hominis veniet.

Credo.

Offertorium. Veritas mea , & misericordia mea cum ipso : & in nomine meo exaltabitur cornu ejus.

Secreta.

Presta nobis , quæsumus omnipotens Deus : ut nostræ humilitatis oblatio , & pro tuorum tibi grata sit honore sanctorum , & nos corpore pariter & mente purificet. Per Dominum.

Communio. Beatus servus , quem , cum venerit Dominus , invenerit vigilantem : Amen dico vobis , super omnia bona sua constituet eum.

Postcommunio.

Quæsumus , omnipotens Deus : ut qui cœlestia alimenta percipimus , intercedente beato Hyacintho

Confessore tuo , per hæc contra omnia adversa muniamur. Per Dominum.

Die xviii. Augusti.

S. Joachim Genitoris B. M. V. Protectoris R. P. & M. D. L.

Missæ A. S. R. Congreg. II. Maji 1765. approbata.

Introitus. Eccli. 44.

Laudemus virum gloriosum in generatione sua , quia benedictionem omnium gentium dedit illi Dominus , & testamentum suum confirmavit super caput ejus.

Psal. IIII. Potens in terra erit semen ejus , generatio rectorum benedicetur.

Gloria Patri. Oratio.

Deus , qui præ omnibus Sanctis tuis beatum Joachim Genitricis Filii tui Patrem esse voluisti , concede , quæsumus , ut cujus Festa veneramur , ejus quoque perpetua patrocinia sentiamus. Per eundem Dominum.

Commem. Dominicæ occurr.

Lectio libri Sapientiæ. Eccli. 44.

Laudemus viros gloriosos , & Patres nostros in generatione sua. Multam gloriam fecit Dominus magnificentia sua à sæculo. Dominantes in potestatibus suis , homines magni virtute , & prudentia sua præditi , nuntiantes in Prophetis dignitatem Prophetarum , & imperantes in præsentipopulo , & virtute prudentiæ populis sanctissima verba. In peritiâ sua requirentes modos musicos , & narrantes carmina scripturarum. Homines divites in virtute , pulchritudinis studium habentes : pacificantes in domibus suis. Omnes isti in generationibus gentis suæ gloriam adepti sunt , & in diebus suis habentur in laudibus. Qui de illis nati sunt , reliquerunt nomen narrandi laudes eorum.

Graduale. Psalm. IIII. Potens in terra erit semen ejus , generatio rectorum benedicetur. Gloria & divitiæ

tia in domo ejus, & justitia ejus manet in sæculum sæculi, Alleluja, allel.

V. O Joachim Sancte Conjux Annæ, Pater almæ Virginis, hîc famulis confer salutis opem. Alleluja.

Initium S. Evangelii secundum Matthæum. **Matth. i.**

Liber generationis Jesu Christi Filii David, filii Abraham. Abraham genuit Isaac, Isaac autem genuit Jacob, Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Efron, Efron autem genuit Aram, Aram autem genuit Aminadab. Aminadab autem genuit Naasson, Naasson autem genuit Salmon, Salmon autem genuit Booz de Rahab. Booz autem genuit Obed ex Ruth, Obed autem genuit Jesse, Jesse autem genuit David Regem. David autem Rex genuit Salomonem ex ea, quæ fuit Uriæ. Salomon autem genuit Roboam, Roboam autem genuit Abiam, Abias autem genuit Afa. Afa autem genuit Josaphat, Josaphat autem genuit Joram, Joram autem genuit Oziam, Ozias autem genuit Joatham, Joatham autem genuit Achaz, Achaz autem genuit Ezechiam. Ezechias autem genuit Manassen, Manasses autem genuit Amon, Amon autem genuit Josiam. Josias autem genuit Jechoniam, & fratres ejus in transmigratione Babylonis. Et post transmigrationem Babylonis Jechonias genuit Salathiel, Salathiel autem genuit Zorobabel, Zorobabel autem genuit Abiud, Abiud autem genuit Eliacim. Eliacim autem genuit Azor, Azor autem genuit Sadoc, Sadoc autem genuit Achim. Achim autem genuit Eliud, Eliud autem genuit Eleazar. Eleazar autem genuit Mathan, Mathan autem genuit Jacob, Jacob autem genuit Joseph, virum Mariæ, de qua natus est Jesus, qui vocatur Christus.

Credo.

Offertorium. Eccl. 44. Dedit illi Dominus gloriam; & exaltavit semen ejus usque ad terminos terræ.

Secreta.

Suscipe, clementissime Deus, sacrificium in honorem Sancti Patriarchæ Joachim Patris Mariæ Virginis, Majestati tuæ oblatum: ut ipso cum Conjuge sua, & beatissima prole intercedente, perfectam consequi mereamur remissionem peccatorum, & gloriam sempiternam. Per Dominum.

Communio. Factum est illi testamentum æternum, & semini ejus sicut dies cœli.

Postcommunio.

Quæsumus, omnipotens Deus, ut per hæc Sacramenta quæ sumpsimus, intercedentibus meritis & precibus beati Joachim Patris Genitricis dilecti Filii tui Domini nostri Jesu Christi, tuæ gratiæ in præsentem, & æternæ gloriæ in futuro participes esse mereamur. Per eundem Dominum.

DOMINICA POST OCTAVAM

Affumptionis B. V. Mariæ.

Translatio S. Casimiri Confess. dupl. Missa. Os just. de Comuni Conf. non Pont.

Oratio.

Deus, qui B. Casimirum de mundi & carnis victoria triumphantem, à terreno ad cœlestem regnum transtulisti; da quæsumus, ut, qui ejus hodie memoriam translationis agimus, ejusdem semper in adversitatibus experiamur suffragia. Per Dominum.

Die xxix. Augusti.

In festo S. Sabinæ Martyris, duplex in Eccl. Cath. Posnaniensi, Introitus.

Mexspectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis.

Psalms.

Psalms. Beati immaculati in via: qui ambulant in lege Domini.

V. Gloria Patri.

Oratio.

Deus, qui inter cetera potentia tuæ miracula, etiam in sexu fragili victoriam Martyrii contulisti: concede propitius; ut, qui B. Sabinæ Martyris tuæ natalitia colimus, per ejus ad te exempla gradiamur. Per Dominum.

Epist. Confitebor tibi Domine Rex. ut in Missa. Loquebar.

Graduale. Dilexisti justitiam, & odisti iniquitatem.

V. Propterea unxit te Deus, Deus tuus oleo lætitiæ. Alleluja, alleluja.

V. Specie tua, & pulchritudine tua: intende, prosperè procede, & regna. Alleluja.

Evangelium. Simile est regnum cœlorum thesauro abscondito in agro.

De Comuni.

Offertorium. Diffusa est gratia in labiis tuis, propterea benedixit te Deus in æternum, & in sæculum sæculi. Alleluja.

Secreta.

Hostias tibi Domine, beatæ Sabinæ Martyris tuæ dicatas meritis, benignus assume: & ad perpetuum nobis tribue provenire subsidium. Per Dominum.

Communio. Principes persecuti sunt me gratis, & à verbis tuis formidavit cor meum: lætabor ego super eloquia tua, quasi qui invenit spolia multa.

Postcommunio.

Divini muneris largitate satiati, quæsumus Domine Deus noster: ut intercedente beata Sabina Martyre tua, in ejus semper participatione vivamus. Per Dominum.

Die xxx. Augusti.

SS. Felicis & Adacti, MM. duplex in Diœcesi Vilnensi, Samogit. & Livoniæ.

Propr. Poloniæ & c.

Missa ut in Missal. Rom. Additur Collecta pro Gratiarum Actione.

FESTA SEPTEMBRIS.

DOMINICA I. SEPTEMBRIS.

Festum Reliquiarum, in Diœcesi Varm. & Sambienfi.

Missa ut in Missali, aut de Comuni Mart. Salus autem justorum.

Oratio.

Auge in nobis, quæsumus, Domine resurrectionis fidem, qui in Sanctorum tuorum Reliquiis mirabilia operaris: & fac nos immortalis gloriæ participes, cujus in eorum cineribus pignora veneramur. Per Dominum.

Die i. Septembris.

B. Ladislai de Gielniow, Conf. P. R. P. duplex i. Class.

Missa. Justus. de Comm. Conf.

Oratio.

Deus, qui B. Ladislaum religiosa perfectione voluisti omnibus præluere, concede propitius, ut ejus exemplo in virtutibus jugiter proficiamus. Per Dominum.

DOMINICA PROXIMA

Post Festum S. Matthæi.

Festum Reliquiar. Eccles. Upsalensis. Missa. Salus autem de Comm. MM.

Oratio.

Propitiare, quæsumus Domine, famulis tuis per merita gloriosæ Virginis Mariæ, & beatorum Martyrum Laurentii, Erci, & omnium Sanctorum tuorum, quorum Reliquiæ in hac continentur Ecclesia, ut eorum pia intercessione ab omnibus semper protegamur adversis. Per Dominum.

Die xxvi. Septembris.

S. Josaphat Episc. Mart. duplex.

Missa. Statuit. de Comm. unius Mart. Pontif. Oratio.

Omnipotens sempiternus Deus, qui B. Josaphat palma Martyrii con-

de-

decorando Ecclesiæ Catholicæ novum apud te intercessorem providisti, quæsumus, ut ejus meritis & auxilio, à malis omnibus liberati tuo nomini studiosius serviamus. Per Dominum.

Die xxvii. Septembris.

In festo Translationis S. Stanislai Episcopi, & Mart. duplex.

Missæ. Statuit. **de Comm. unius Mart. Pont. Epistola.** Omnis Pontifex. **Evangelium.** Ego sum Pastor bonus. **Ex Missa S. Adalberti. 23. April.**

Oratio.

Deus, pro cuius honore gloriosus Pontifex Stanislaus gladiis impiorum occubuit: præsta, quæsumus: ut omnes, qui ejus implorant auxilium, petitionis suæ salutarem consequantur effectum. Per Dominum.

Secreta.

Munera tibi Domine dicata sanctifica: & intercedente beato Stanislao Martyre tuo atque Pontifice, per eadem nos placatus intende. Per Dominum.

Postcommunio.

Hæc nos communio, Domine purget à crimine: & intercedente beato Stanislao Martyre tuo, atque Pontifice, cœlestis remedii faciat esse consortes. Per Dominum.

Die xxviii. Septembris.

In festo S. Wenceslai Mart. duplex

Introitus.

Lætabitur justus in Domino, & sperabit in eo, & laudabuntur omnes recti corde.

Psalms. Exaudi Deus orationem meam, cum deprecor: à timore inimici eripe animam meam.

Gloria Patri.

Oratio.

Deus, qui beati Wenceslai nobilitatem in meliorem mutasti dignitatem, & eum per Martyrii palmam ad cœlestem perduxisti gloriam: ejus precibus nos, quæsumus, ab omni ad-

versitate libera, & æternæ beatitudinis concede perfrui gloria. Per Dominum.

Lectio Epistolæ beati Petri Apostoli.

1. Petri 4. c

Charissimi: Communicantes Christi passionibus gaudete: ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis Dei, & qui est ejus Spiritus, super vos requiescit. Nemo autem vestrum patiat ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem Deum in isto nomine. Quoniam tempus est, ut incipiat iudicium à domo Dei. Si autem primum à nobis: quis finis eorum, qui non credunt Dei Evangelio? Et si justus vix salvabitur, impius, & peccator ubi parebunt? Itaque & hi, qui patiuntur secundum voluntatem Dei, fidei Creatori commendent animas suas in beneficiis.

Graduale. Justus cum ceciderit, non collidetur: quia Dominus supponit manum suam.

G. Tota die miseretur, & commodat: & semen ejus in benedictione erit. Alleluja, alleluja.

G. Qui sequitur me, non ambulat in tenebris: sed habebit lumen vitæ æternæ. Alleluja.

Sequentia S. Evangelii secundum Matthæum. **Matth. 16. d**

In illo tempore: Dixit Jesus Discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucretur, animæ verò suæ detrimentum patiat? Aut quam dabit homo commutationem pro anima sua? Filius enim hominis

minis venturus est in gloria Patris sui cum Angelis suis: & tunc reddet unicuique secundum opera ejus.

Offertorium. Posuisti Domine in capite ejus coronam de lapide pretioso: vitam petiit à te, & tribuisti ei.

Secreta.

Accepta sit in conspectu tuo, Domine, nostra devotio: & ejus nobis fiat supplicatione salutaris, pro cuius solemnitate defertur. Per Dominum.

Communio. Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris facri, quæsumus, Domine Deus noster: ut cuius exequimur cultum, intercedente beato Wenceslao Martyre tuo, sentiamus effectum. Per Dominum.

FESTA OCTOBRIS.

Die vi. Octobris.

Translatio S. Eschili M. P. R. S. dupl.
Missæ ut in festo 22. Junii.

Die vii. Octobris.

Sanctæ Birgittæ Viduæ. duplex.
Missæ. Cognovi. **de Comuni nec Virg. nec Martyr.**

Oratio.

Domine Deus noster, qui beata Birgittæ per Filium tuum unigenitum secreta cœlestia revelasti: ipsius pia intercessione da nobis famulis tuis, in revelatione sempiternæ gloriæ tuæ gaudere lætantes. Per Dominum.

Die x. Octobris.

Festum Gratiarum Actionis pro Victoria de Turcis obtenta.
Missæ Votiva de SS. Trinitate.

Oratio.

Deus, qui in summis Regni nostri periculis, antiqua brachii tui mi-

racula renovasti, fuscipe gratiarum actiones exultantium populorum, & quibus tanti gaudii causam præstitisti, perpetuæ fructum concede lætitiæ. Per Dominum.

Secreta. Odorem Domine.

Postcommunio. Deus, qui neminem in te sperantem. **Ut post votivam de SS. Trinitate ponuntur.**

Die x. Octobris.

In festo Sanctorum Gereonis, & Sociorum Mart.

Introitus.

Clamaverunt justi, & Dominus exaudivit eos, & ex omnibus tribulationibus eorum liberavit eos.

Psalms. Benedicam Dominum in omnitempore: semper laus ejus in ore meo.

Gloria Patri.

Oratio.

Deus, qui hunc diem beatorum Martyrum tuorum Gereonis, sociorumque ejus passione consecrasti: præsta, quæsumus: ut eorum suffragia apud te sentiamus in cœlis, quorum hic solemnia pio amore veneramur in terris. Per Dominum.

Lectio libri Apocalypsis beati Joannis Apostoli.

Apoc. 7. c

In diebus illis: Respondit unus de senioribus, & dixit mihi: Hi, qui amicti sunt stolis albis, qui sunt, & unde venerunt? Et dixi illi: Domine mi, tu scis. Et dixit mihi: Hi sunt, qui venerunt de tribulatione magna, & laverunt stolas suas, & dealbaverunt eas in sanguine Agni. Ideo sunt ante thronum Dei, & serviunt ei die ac nocte in templo ejus: & qui sedet in throno, habitabit super illos. Non esurient, neque sitient amplius, nec cadet super illos sol, neque ullus æstus: quoniam Agnus, qui in medio throni est, reget illos: & deducet eos ad vitæ fontes aquarum, & absterget Deus omnem lacrymam ab oculis eorum.

Graduale. V indica Domine, sanguinem sanctorum tuorum, qui effusus est.

V. Posuerunt mortalia fervorum tuorum Domine, escas volatilibus cœli: carnes sanctorum tuorum bestiis terræ. Alleluja, alleluja.

V. Iusti epulentur, & exultent in conspectu Dei: & delectentur in lætitia. Alleluja.

Sequentia S. Evangelii secundum Lucam. **Luc. 6. c.**

In illo tempore: Descendens Jesus de monte, stetit in loco campestri, & turba discipulorum ejus, & multitudo copiosa plebis ab omni Judæa, & Jerusalem, & maritima, & Tyri, & Sidonis, qui venerant, ut audirent eum, & sanarentur à languoribus suis. Et qui vexabantur à spiritibus immundis, curabantur. Et omnis turba quærebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est Regnum Dei. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis, cum vos oderint homines, & cum separaverint vos, & exprobraverint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra multa est in cœlo.

Offertorium. Exultabunt Sancti in gloria, lætabuntur in cubilibus suis: exaltationes Dei in faucibus eorum, Alleluja.

Secreta. **M**unera tibi Domine, nostræ devotionis offerimus: quæ & pro tuorum tibi grata sint honore justorum: & nobis salutaria, te miserante, reddantur. Per Dominum.

Communio. Posuerunt mortalia fervorum tuorum Domine, escas volatilibus cœli: carnes Sanctorum tuorum bestiis terræ: secundum magnitudinem brachii tui posside filios mortepunitorum.

Postcommunio.

Deus, qui nos & cœlestibus pasce-re Sacramentis, & sanctorum Martyrum tuorum Gereonis, Sociorumque ejus non desinis fovère suffragiis: præsta, quæsumus: ut quod illis ad gloriam contulisti, ad nostræ proficit fragilitatis auxilium. Per Dominum.

Die xv. Octobris.

In festo S. Hedwigis Viduæ. duplex.**Introitus.**

Gaudeamus omnes in Domino, diem festum celebrantes sub honore beatæ Hedwigis: de cujus solemnitate gaudent Angeli, & collaudant Filium Dei.

Psal. Eruçtavit cor meum verbum bonum: dico ego opera mea regi. **V.** Gloria Patri.

Oratio.

Deus, gratiæ dator & gloriæ, tuæ nobis propitius sinum pietatis aperiri, & præsta: ut qui manentem civitatem hîc non habemus, ad futuram quam quærimus, beatæ Hedwigis interveniente suffragio, perducamur. Per Dominum.

Lectio. Mulierem fortem.

Evang. Simile est regnum cœlorum thesauro. **De Comm. non Virg. Secreta.**

Accepta tibi sit, Domine, sacratæ plebis oblatio pro tuorum honore sanctorum, quorum se meritis de tribulatione percepisse cognoscit auxilium. Per Dominum.

Postcommunio.

Sumpta, quæsumus omnipotens Deus, hostia salutaris, ab adversis nos omnibus tueatur incurfibus: & post hujus labores exilii, beatæ Hedwigis intervenientibus meritis, ducat ad requiem opulentam. Per Dominum.

Die xvi. Octobris.

S. Brunonis Episcopi Mart. Apostoli Bruffæ. dupl. in Diocesi Varmiensis & Sambiensis.

Missa.

Missa. Statuit. **de Comm. unius Mart. Pontif. Oratio.**

Misericordissime Deus, pro cujus fidei propagatione, B. Bruno Episcopus & Martyr, in his terris sanguinem liberaliter effudit, misere-re animarum populi tui, easque à culpis & pœnis liberas in Sanctorum tuorum numerum misericordissimè inferas. Per Dominum.

Die xx. Octobris.

In festo Translationis S. Adalberti Episcopi, & Mart. duplex.

Missa. Statuit. **de Comm. unius Mart. Oratio.**

Tuam nobis indulgentiam, quæsumus Domine, beatus Adalbertus Episcopus, & Martyr imploret: ut & delicta nobis clementer ignoscas, & beneficia desiderata concedas. Per Dominum.

Epistola ex Missa sequenti. Sacerdotes. **Evang. ex Missa Statuit.** **Si quis.**

Offertorium. Posuisti Domine in capite ejus coronam de lapide pretioso: vitam petiit à te, & tribuisti ei.

Secreta.

Sacrificium exhibitum, quæsumus Domine, benignus assume: ut quod nomini tuo in solemnitate (vel commemoratione) beati Adalberti Martyris tui, atque Pontificis deferimus, nobis proficit ad veniam. Per Dominum.

Postcommunio.

Refecti, Domine, muneribus sacris, supplices te deprecamur: ut indulgentiam tuam nobis intercessio beati Adalberti Martyris tui atque Pontificis semper imploret. Per.

Die xxi. Octobris.

In festo SS. Ursulæ & Sociarum Virginum, duplex.**Introitus.**

Gaudeamus omnes in Domino, diem festum celebrantes sub honore. **Propr. Poloniæ &c.**

nore undecim millium Virginum de quarum passione gaudent Angeli, & collaudant Filium Dei.

Psal. Exultate iusti in Domino: rectos decet collaudatio.

V. Gloria Patri.

Oratio.

Da nobis, quæsumus Domine Deus noster, sanctorum Virginum, & Martyrum tuarum Ursulæ, & Sociarum ejus, palmas incessabili devotione venerari: ut quas digna mente non possumus celebrare, humilibus saltem frequentemus obsequiis. Per Dominum.

Pro commemoratione sancti Hilarionis Abbatis.

Oratio.

Intercessio nos, quæsumus Domine, beati Hilarionis Abbatis commendet: ut quod nostris meritis non valemus, ejus patrocinio assequamur. Per Dominum.

Lectio Epistolæ beati Pauli Apostoli ad Corinthios.

Fratres: De Virginibus præceptum Domini &c. **Ex Missa.** Vultum tuum. **De Comm. Virginum.**

Graduale. Exultabunt sancti in gloria: lætabuntur in cubilibus suis.

V. Cantate Domino canticum novum: laus ejus in Ecclesia sanctorum. Alleluja, alleluja.

V. Adducentur regi Virgines post eam: proximæ ejus afferentur tibi in lætitia. Alleluja.

Sequentia S. Evangelii secundum Matthæum.

In illo tempore: Dixit Jesus discipulis suis parabolam hanc: Simile erit regnum cœlorum decem Virginibus &c.

Ex Missa. Dilexisti. **De Comuni Virginum.**

Offertorium. Afferentur Regi virgines post eam: proximæ ejus afferentur tibi.

Secreta.

Intende, quæsumus Domine, munera altaribus tuis pro sanctorum

G

Vir-

Virginum, & Martyrum tuarum Ursulæ, & sociarum ejus, festivitate proposita: ut, sicut per hæc beata mysteria illis gloriam contulisti, ita nobis indulgentiam largiaris. Per Dominum.

**Pro commemoratione sancti Hilari-
nis Abbatis.**

Secreta.

Sacris altaribus, Domine, hostias superpositas sanctus Hilarion Abbas, quæsumus in salutem nobis provenire deponat. Per Dominum.

Communio. Quinque prudentes virgines acceperunt oleum in vasis suis cum lampadibus: media autem nocte clamor factus est, ecce spon- sus venit, exite obviam Christo Domino.

Postcommunio.

Præsta nobis, quæsumus Domine, intercedentibus sanctis Virgini- bus, & Martyribus tuis, ut quod ore contingimus, pura mente capiamus. Per Dominum.

**Pro commemoratione sancti Hilari-
nis Abbatis.**

Postcommunio.

Protegat nos, Domine, cum tui perceptione sacramenti beatus Hilarion Abbas, pro nobis interce- dendo: ut & conversationis ejus ex- periamur insignia, & intercessionis percipiamus suffragia. Per Dominum nostrum.

Die xxiii. Octobris.

S. Joannis à Capistrano Conf. duplex.
Missæ. Justus ut palma. De Com-
muni Conf. non Pont.

Oratio.

Deus, qui Ecclesiam tuam B. Joan- nis à Capistrano meritis & doctri- nis mirabiliter sublimasti, & per eum de perfidis tyrannis in virtute SS. No- minis Jesu fideles tuos triumphare fe- cisti, præsta quæsumus, ut de inimi- cis nostris ejus intercessione præva- lentes in terris, præmiari cum ipso

mereamur in cœlis. Per Dominum nostrum.

FESTA NOVEMBRIS.

DOMINICA II. NOVEMBRIS.

Festum Patrocinii B. V. duplex.
Missæ ut in festo S. Mariæ ad Nives.
Comm. & Evang. ult. Dominicæ.

Die xii. Novembris.

**In festo SS. Quinque Fratrum Polo-
norum Martyrum. dupl.**

Introitus.

Multæ tribulationes justorum, & de his omnibus liberavit eos Dominus: Dominus custodit omnia ossa eorum: unum ex his non conteretur.

Psalm. Benedicam Dominum in omni tempore: semper laus ejus in ore meo.

V. Gloria Patri.

Oratio.

Sanctorum nos, quæsumus Domi- ne, Martyrum tuorum, Benedi- cti, Joannis, Matthæi, Isaaci, atque Christi- ni gloriosa hodierna die tro- phæa lætificent: quatenus eorum in- terventione, ad illam perveniamus hæreditatem, in qua iidem felices Angelorum cœtibus aggregati, tuæ semper Majestatis perfruuntur inef- fabili claritate. Per Dominum.

Lectio libri Sapientiæ. **Eccli. 44. b**

Hi sunt viri misericordiæ, quorum justitiæ oblivionem non acceperunt. Cum semine eorum permanent bona, hæreditas sancta nepotes eorum, & in testamentis stetit semen eorum: & filii eorum propter eos in æternum manent: generatio eorum non derelinquetur. Corpora ipsorum in pace sepulta sunt, & nomina eorum vivent in sæcula. Sapientiam eorum narrent omnes populi: & laudem eorum pronuntiet omnis Ecclesia Sanctorum.

Gra-

Graduale. Ecce quàm bonum, & quàm jucundum, habitare fratres in unum.

V. Sicut unguentum in capite, quod descendit in barbam, barbam Aaron. Alleluja, alleluja.

V. Hæc est vera fraternitas, quæ vincit mundi crimina: Christum secuta est, inclyta tenens regna cœlestia. Alleluja.

Sequentia S. Evangelii secun- dum Lucam. **Luc. 12.**

In illo tempore: Dixit Jesus Disci- pulis suis: Attendite à fermento Phariseorum, quod est hypocrisis. Nihil autem opertum est, quod non reve- letur: neque absconditum, quod non sciatur. Quoniam quæ in tenebris dixistis, in lumine dicentur: & quod in aurem locuti estis in cubiculis, præ- dicabitur in tectis. Dico autem vo- bis amicis meis: Ne timeamini ab his, qui occidunt corpus, & post hæc non habent ampliùs, quid faciant. Ostendam autem vobis, quem timeatis. Timete eum, qui postquam oc- ciderit, habet potestatem mittere in gehennam. Ita dico vobis, hunc time- te. Nonne quinque passeret væ- neunt dipondio, & unus ex illis non est in oblivione coram Deo? Sed & capilli capitis vestri omnes numera- ti sunt. Nolite ergo timere: multis passeribus pluris estis vos. Dico au- tem vobis: omnis, quicumque con- fessus fuerit me coram hominibus, & filius hominis confitebitur illum co- ram Angelis Dei.

Credo.

Offertorium. Gloriabuntur in te omnes, qui diligunt nomen tuum, quoniam tu Domine benedices justo. Domine, ut scuto bonæ voluntatis tuæ, coronasti nos.

Secreta.

Hostias tibi Domine, sanctorum Martyrum tuorum dicatas meritis benignus assume: & ad perpetuum nobis tribue provenire subfi-

dium. Per Dominum nostrum Je- sum.

Communio. Et si coram homini- bus tormenta passi sunt, Deus tenta- vit eos: tamquam aurum in fornace probavit eos, & quasi holocausta accepit eos.

Postcommunio.

Sumpsimus Domine, sanctorum Martyrum tuorum, Benedicti, Joannis, Matthæi, Isaaci, atque Christi- ni solemnna celebrantes, Sacra- menta cœlestia: præsta, quæsumus: ut quod temporaliter gerimus, æter- nis gaudiis consequamur. Per Domi- num nostrum.

DOMINICA PROXIMA POST

xii. Novembris.

S. Stanislai Conf. Patr. R. P.
duplex.

Missæ. Os justis &c.

Oratio.

Deus, qui inter cætera Sapientiæ tuæ miracula etiam in tenera ætate maturæ sanctitatis gratiam contulisti; da quæsumus, ut B. Stanislai exemplo, tempus instanter operando redimentes, in æternam ingredi requiem festinemus. Per Dominum nostrum.

Secreta.

Angelorum pane, quæsumus Do- mine, beati Stanislai nos inter- cessione dignos efficiat, qui eo meruit Angelica manu recreari. Per Domi- num nostrum.

Postcommunio.

Ut nobis, Domine cœlestis, quem sumpsimus, panis sit vitæ, beato Stanislao Confessore tuo inter- cedente, quæsumus, ut panis sit in- tellectus, & potus aqua sapientiæ sa- lutaris. Per Dominum.

Die xv. Novembris.

S. Gertrudis Virg. Abbatissæ, duplex.
Missæ ut in Missali suo ordine.

Die

Missæ propriæ Poloniæ & Sueciæ.

Die xvii. Novembris.

S. Salomeæ Virginis Reginae Haliciæ.
duplex.

Missæ. Dilexisti. **De Communi**
Virginum.

Oratio.

DEus, qui in beatâ Salomea terreni
regni contemptum cum virgini-
tatis candore in connubio sociasti ;

concede nobis quæsumus , ut ejus ex-
emplo tibi casto & humili corde fer-
vientes , immarcescibilem coronam
gloriæ in cœlis consequi mereamur.
Per Dominum.

Die xix. Novembris.

S. Elisabeth Vid. dupl. suo ordine
ut in Missali.

FINIS.



Die 14 Martii

S. Petri de Troia Conf.
Oratio

Deus, qui S. Petrum Confessorem tuum sollicitis domi-
culati; presta quæsumus, ut Eius patrocinio gaudea-
mus in terris, et gloria consortio perfruamur in cœlis.
Per Dominum.

27 Ibris

Oratio S. Leonardi Conf. l. Cris.

Deus, qui ad abstinentiam speculandi corda per Evangelicam
predicationem ad penitentiam seducenda Beatum Leonar-
dum Confessorem tuum admirabilem sanctitatis et in-
dito dicendi robore insensitiffida quossumus, ut Contentioni
lacrymas, ad quos ob duritiam cordis nostri permoveri
non possumus, per eius preces, ac merita per Deum

12 Ibris

Oratio S. Conradi ab Opeyda.

Angelus, quossumus Domine, in Cordibus Nostis sinceris
pietatis affectus, et proclara S. Conradi Confessoris sui humi-
latis, ac devotionis exempla nobis imitari Eiusdem fateri
reptione concede. per Deum Nrm

OPRAWĘ WYKONANO
w proc. konserwacji
Biblioteki Ossolineum
17.10.77 *Urych*



